



Fylkesmannen i Hordaland

ASKØY ELEKTRISKE AS
Folke Bernadottes vei 52
5147 Fyllingsdalen

Bergen, 20. desember 2018

Dykkar ref.:
Ole Norstrand

Vår ref.(oppgi ved svar):

Sakshandsamar:
Diana Eidem

Rapport etter inspeksjon ved Elkjøp Askøy

Kontrollnummer: 2018.142.I.FMHO

Kontaktpersonar ved inspeksjonen:

Frå verksemda:

Ole Norstrand

Christer Eliassen

Frå Fylkesmannen i Hordaland:

Diana Eidem

Henriette Ludvigsen

Resultat frå inspeksjonen

Denne rapporten gjeld resultatet frå inspeksjon ved Elkjøp Askøy 22.november 2018. Rapporten er å sjå på som endeleg dersom vi ikkje får tilbakemelding om faktiske feil innan to veker etter at rapporten er motteken.

Fylkesmannen i Hordaland avdekka 2 avvik og ga 1 merknad under inspeksjonen innan følgjande tema:

- Verksemda si oppbevaring og sortering av EE-avfall
- Informasjonen verksemda gir om mottak av EE-avfall
- Oppbevaring av EE-avfall med sensitive data

Avvik og merknader er nærare omtalte frå side 4 og utover i rapporten. Oppfølginga etter inspeksjonen er nærare omtalt på side 3.

Elektronisk dokumentert godkjenning, utan underskrift

Diana Eidem
overingeniør

Silje Tingstad
overingeniør

Kopi til: Askøy kommune

1. Informasjon om den kontrollerte verksemda

Ansvarleg eining

Namn: ASKØY ELEKTRISKE AS	
Organisasjonsnr.: 991963006	Eigd av: 991922040
Bransjenr. (NACE-kode): 47.540 - Butikkhandel med elektriske hushaldningsapparater	

Kontrollert eining

Namn: Elkjøp Askøy	Anleggsnr.: 1247.0203.01
Kommune: Askøy	Fylke: Hordaland
Anleggsaktivitet: Produktforhandlar	
Løyve gitt: -	Sist endra: -

2. Bakgrunn for inspeksjonen

Inspeksjonen vart gjennomført for å kontrollere om gjeldande krav som er fastsette i eller med heimel i ureiningslova, vert overhaldne. Inspeksjonen inngår i Fylkesmannen sin aksjon for EE-avfall hos forhandlarar.

Tilsynet vart gjennomført i medhald av forureiningslova § 48.

Inspeksjonstema

Tema for aksjonen var forhandlars plikt til mottak, sortering og oppbevaring av EE-avfall, og plikta til å informere om dette.

Rapporten gjeld avvik og merknader som vart avdekka under inspeksjonen. Han gir ingen fullstendig tilstandsvurdering av miljøarbeidet eller miljøstatusen til verksemda.

Definisjonar

Avvik: Manglande etterleving av krav fastsette i eller med heimel i lov.

Merknad: Eit tilhøve som tilsynsetatane meiner det er naudsynt å peike på for å ivareta ytre miljø, men som ikkje er omfatta av definisjonen for avvik.

Andre tilhøve: Saker som kom fram under inspeksjonen og som det kan vere nyttig for verksemda og sakshandsamarar å kjenne til. Informasjon om verksemda og kommentarar til tema som vart tekne opp under inspeksjonen, men som ikkje vart klassifisert som avvik eller merknader, kan også inngå her.

3. Oppfølging etter inspeksjonen

Elkjøp Askøy pliktar å rette opp avvika som er omtalte i denne rapporten så snart som råd. For at Fylkesmannen skal kunne avslutte saka, ber vi om at Elkjøp Askøy innan 15. februar 2019 sender ei skriftleg utgreiing som viser korleis avvik er retta kva tiltak som er gjennomførde eller planlagde.

Vi ber også om at verksemda sender inn ei kort utgreiing av korleis merknader er vurderte, eventuelt korleis dei vil verte følgde opp.

Vi ber om at de stiler svarbrev eller e-post (fmhpostmottak@fylkesmannen.no) til Fylkesmannen i Hordaland v/Diana Eidem.

4. Vedtak om gebyr

Vi viser til informasjon og varsel om gebyrplikt som vart gitt til verksemda 16. november 2018. Verksemda skal betale gebyr for kontrollar utførte av Fylkesmannen i samsvar med § 39-3 i forureiningsforskrifta. Gebyret skal dekke kostnader med førebuing, gjennomføring og oppfølging av kontrollen. Gebyrsatsar for kontroll av verksemda etter forureiningslova er fastsette i ureiningsforskrifta §§ 39-7 og 39-8.

På bakgrunn av forventet ressursbruk må Elkjøp Askøy betale eit gebyr på kr 5 200,- for inspeksjonen, jf. forureiningsforskrifta §§ 39-7 og 39-8. Dette svarer til gebyrsats 5 for tilsyn som varer inntil ein dag. Miljødirektoratet vil sende dykk ein faktura for innbetaling til statskassa. Fylkesmannen viser elles til forureiningsforskrifta kapittel 39 om innkrevjing av gebyr til statskassa.

Klagerett

Vedtaket om gebyr kan klagast på til Miljødirektoratet, jf. § 28 i forvaltningslova. Ein eventuell klage bør vere skriftleg grunngjeven og adressert til Miljødirektoratet, men han skal sendast via Fylkesmannen i Hordaland. Fylkesmannen vil vurdere endring av vedtaket eller sende saka vidare til Miljødirektoratet for endeleg vedtak. Gebyret som er fastsett ovanfor, må likevel betalast inn. Dersom Miljødirektoratet tek klagen til følge, vil for mykje innbetalt beløp bli refundert.

5. Innsyn

Denne rapporten vil vere offentleg tilgjengeleg via postjournalen til Fylkesmannen i Hordaland (jf. offentleglova).

6. Avvik

Vi fann følgjande avvik under inspeksjonen:

Avvik 1

Verksemda si oppbevaring og sortering av EE-avfall er mangelfull

Avvik frå:

Avfallsforskrifta § 1-5

Kommentarar til regelverket:

Forhandlar skal sørge for at EE-avfall som er motteke vert sortert frå anna avfall og vert oppbevart på eigna stad, som ikkje er skjemma eller fører til fare for forureining eller skade på menneske eller dyr. Moglegheita for førebuing til ombruk, materialgjenvinning og utsortering av komponentar i EE-avfallet skal ikkje bli redusert. Det vil normalt bety at avfallet må lagrast på fast dekke og skjerma for vêr og vind. Forhandlar skal setje i verk tiltak for å forhindre tjuveri av EE-avfall.

Avviket er basert på følgjande observasjonar:

Kvitevarer vart oppbevart i låst container. Småelektronikk vert oppbevart i opne bur som står ute heile året. Det er sett opp eit gjerde rundt container og buret, som er låst utanom opningstid. Verksemda opplyste at EE-avfall vart rydda inn i container ca. annankvar dag. Under inspeksjonen låg småelektronikk strødd utover. Det vart opplyst at verksemda vart plaga med tjuveri, og rot ofte var eit resultat av det.

På lageret stod ei plastbøtte med lysstoffrøyr og ved sida mottaket for EE-avfall stod ein open plastkasse med lysstoffrøyr.

Lageret for småelektronikk og lysstoffrøyr er ikkje skjerma for vêr og vind og kan føre til risiko for forureining, skade på menneske og dyr og redusere moglegheita til ombruk, materialgjenvinning mm. av EE-avfallet.

Avvik 2

Informasjonen verksemda gir om mottak av EE-avfall er mangelfull

Avvik frå:

Avfallsforskrifta § 1-6

Kommentarar til regelverket:

I avfallsforskrifta § 1-6 står det at forhandlar skal informere om at EE-avfall ikkje skal kastast saman med anna avfall og at det vert tatt i mot vederlagsfritt. Det skal informerast gjennom oppslag i alle butikklokale, framvisings- og utstillingslokale, på mellombelse utsalsstader og i alt sals- og informasjonsmateriell som vert publisert, både i elektroniske og papirbaserte media. Teksten skal vere lett å få auge på, lett å lese og skilje seg frå anna informasjon.

Avviket er basert på følgjande observasjonar:

Verksemda opplyste at dei ikkje hadde informasjon om mottak av EE-avfall i butikklokalet.

7. Merknader

Vi ga følgjande merknad under inspeksjonen:

Merknad 1

Oppbevaring av EE-avfall med sensitive data

Kommentarar:

I avfallsforskrifta § 1-5 står det at det skal vere eit tilbod om at EE-avfall som kan innehalde sensitive data kan oppbevarast i stasjonær låst behaldar eller ved tilsvarende sikker lagring.

Verksemda oppbevarer EE-avfall med sensitive data i ei kasse på lageret. Denne var ikkje låst. Verksemda bør vurdere om EE-avfall som inneheld sensitive data skal oppbevarast på anna måte.

8. Dokumentunderlag

Lovgrunnlaget for inspeksjonen var:

- forureiningslova med underliggjande forskrifter
- avfallsforskrifta kapittel 1 om kasserte elektriske og elektroniske produkt
- internkontrollforskrifta

9. Brosjyrar

Faktaark M-116/2014 Når EE-produkt blir avfall

<http://www.miljodirektoratet.no/Documents/publikasjoner/M116/M116.pdf>

Faktaark M-297/2015 Gebyr ved kontroll

<http://www.miljodirektoratet.no/Documents/publikasjoner/M297/M297.pdf>